






Kristin Jinsdottir

No

920







RÆÐUR

HALDNAR VIÐ JARÐARFÖR


HÚSERÚR KRISTÍNAR JÓNSDÓTTUR

KONU

JÓNS STÚDENTS FRÍÐRIKSSONAR THÓRAR-
ENSENS Í VÍÐIDALSTÚNGU.

ÁSAMT GRAFSKRIFT EPTIR HANA.

Jón Þorgrímsson.



REYKJAVÍK 1859.

Í PRENTSMÍÐJU ÍSLANDS. E. ÞÓRÐARSON.

REBUB

THE NEW YORK PUBLIC LIBRARY

ASTOR LENOX TILDEN FOUNDATION

1850

THE NEW YORK PUBLIC LIBRARY

ASTOR LENOX TILDEN FOUNDATION

THE NEW YORK PUBLIC LIBRARY

1850

THE NEW YORK PUBLIC LIBRARY

I.

HÚSKVEDJA.

haldin af prófasti síra Jóni Jónssyni á
Steinnesi.

Vegsamaður vertú, eýlífi ástar faðir! fyrir enar mörgu og yndælu fagnaðar stundir, er þú gefur oss af gæðsku þinni! Og vegsamaður vertú einnig fyrir sorgar stundir þær, er þér þóknast að láta koma yfir oss! Vèr vitum, að þær eru alltaðeínu hollar og góðar fyrir oss, eins og meðlætis stundirnar; vèr vitum, að eýlíf speki er allt þitt ráð, öll þín stjórnun gæðska og náð; þessvegna viljum vèr gefa þér dýrdina af auðmjúkum hjörtum, eins í sorg og gleði; og þó vèr andvörpum undir krossinum, þá viljum vèr ekki andvarpa af óþolinmæði, heldur af hjartanlegri laungun eptir þinni hugsvalandi náð. Allar tilfinningar vorar, óskir og eptirlanganir viljum vèr sameína og innibinda í bænarandvarpi Drottins vors og frelsara: Ó, faðir! verði þinn vilí! Veit oss náð til að geta ætíð hugsað og talað so af rót hjarta vors. Amen.

Þér munuð sýta og gráta; þessi orðin lausnara vors rättust ekki einasta á enum fyrstu

lærisveínum hans, heldur hafa þau einnig rætst, og rætast enn, og munu til enda veraldar rætast á jarðarinnar börnum; — eins og hver einn er fæddur með þeim skilmála, að skilja aptur við þetta líf, hvenær sem lávarði lífs og dauða þóknast, eins sæðast allir með þeim skilmála, að vera háðir enum almennu lífs kjörum meðan þeir lifa hér á jörðu; það er þannig sameiginlegt hlutskipti allra, að verða fyrri eða síðar, meira eða minna, að bergja á enum beíska bikar sorga og hörmúnga; hann verður borinn einum af oss eptir annan, og einginn af oss veit, hvenær röðin kann að vera komin að honum. Vær tölum ekki um þetta í því skyni, að vekja í hjörtum vorum óánægju yfir hlutskipti voru, eða möglun gegn ráðstöfunum hans, sem stjórnar högum vorum, eða kvíða fyrir andstreymi því og sorgum, er oss kunna enn að vera geýmdar á lífsskeiði voru; vær skulum miklu fremur minna oss á það miðt í hrygð vorri, að vær erum minni allri þeirri miskun og trúfesti, er faðir vor himneskur hefir auðsýnt oss; vær skulum aldrei láta oss gleýmast, að kannast við það með auðmjúku þakklæti, að hann gefur oss af náð sinni so miklu fleiri fagnaðar enn hrygðar stundir; og vær skulum bera oss að láta eínga sorg fá so mikið vald yfir oss, að vær missum traustið á enum alvalda og algóða; hvað sem þreíngir að hjarta voru, skulum vær kasta upp á hann allri áhyggju vorri, fullvissir um, að honum er annt um oss, og að hann bæði vill og getur

komið öllu vel til vegar fyrir oss. Þó líf vort og sál vanmegnist, þá látum hann vera hjartans traust vort og hlutskipti!

En hve eðlilegt er það samt ekki, að sorglegar tilfinningar og hugsanir seú ríkastar í hjörtum vorum á þessari sorgar stundu, í þessu sorgar húsi, þar sem dauðinn hefir gjört þvilíkt skarð í lífs fögnuð enna ástríku og viðkvæmu hjartnanna, sem hær eíga að trega hjartfólgið ástmenni sitt, — þar sem ástúðlegur og trúfastur ektamaki kveður með sárum trega helst hjarta síns — hinn yndæla og ágjæta förunautinn, eptir so lánga, ánægjuríka og uppbyggilega sambúð; þar sem þau börnin og teíngðabörnin, er bæði áttu bestu móður, og vissu að meta þá nað ens algóða — vissu, að meta og þakka velgjörðir hennar, og allt móðurlegt ástríki, — eru nú stödd hær við líkkistu hennar með þeim tilfinningum, sem en heíta og hreína ást, hið viðkvæma og hreínskilna þakklæti og enn sárri söknuður fyllir hjörtu þeirra með á skilnaðar stundunni: þar sem fallin er hin öbluga stöð þessa heímlis, og fölnuð en sannkallaða prýði þess?

Já víst er hær mikið hrygðaresni; víst er heímilli þetta nú rættnefnt sorgarhús; víst mátti fráfall þessarar miklu merkiskonu vekja almenna athygli, almenna hluttekningu, almennan söknuð; og án efa lifir hann í brjóstum allra þeirra, er hún gladdi í orði og verki og viðmóti um öll þau ár, er hún stöð hær í húsmóður stætt. Það er í sannleíka bæði

hátíðlegt og alvarlegt augnablik, er hún kveður nú í síðasta sinni hús sín og heímili, ektamann sinn, börn, teíngdabörn, fósturbörn, þjónustufólk; — í öllu tilliti er það verðugt og skylt, að henni sæ fylgt hëðan með virðingu, sorg og söknuði, og hátíðlegri og rótgróinni endurminningu kvennkosta hennar. -- En þó hær sæ orðið harðla mikið skarð fyrir skyldi þá skulum vër ekki láta huga vorn staðnæmast eíngaungu við hinn sára missi, við það, sem vekur hrygð og trega; heldur skulum vër jafnframt snúa hjörtum vorum til vors góða guðs, og leíta hjá honum hugsvölunar í hrygð vorri; vër skulum vegsama hann fyrir það, að eínmiðt þessi sorgar atburður setur oss fyrir sjónir mikla og dýrmæta náð hans, so að þau hjörtun, sem sigð dauðans hefir hær sært so tilfinnanlega, geta samt fundið yndæla hugarhægð í guðrækilegri umhugsun þeirrar náðar, er þau hafa notið. Ó, hve vel á það við, að þær, sorgbitnu ástmennti hinnar sælu, takið yður í hjarta og munn orð ens guðelskanda sálmaskálds: lofa þú Drottinn, sála mín! og gleým ekki öllu hinu góða, er hann hefir gjört þær. Á sorgarstundunum er ekkert eíns hugsvalandi og endurnærandi, eíns og að rifja upp fyrir sær en mörgu rök föðurástar guðs á oss, er vër höfum svo opt þreísað á; það mýkir harminn, það blíðkar hrygðina, það lífgar og glæðir vonina og traustið til hans, sem hefir látið oss reýna sína föðurlegu náð, og eflir þá sannfæringu í hjörtum vorum, að allt sem

hann gjörir sè harla gott að allir vegir hans sèu miskun og trúfesti oss til handa, að einnig mótlætið sè vottur ástar hans á oss, og umhyggju hans fyrir oss. Hin dýrmæta ástgjöfin, sem nú er frá yður tekin, þér átríku tregandi hjörtu! minnir yður glöggt á, hve mikið þér áttuð, meðan þér nutuð hennar; og guð gaf yður að njóta hennar í mörg ár; hann hefir þannig gefið yður óteljandi gleði og gæfu stundir; og eg er viss um, að endurminning þeirra — að endurminning ennar heftu ástar, og óbrigðulu trúfesti, er yðar sæla framliðna auðsýndi yður allt til dauðans, lyptir hjörtum yðar til gjafarans allra góðra hluta, í auðmjúkri lofgjörð fyrir það hnossið, er hann blessaði yður með, og veitti yður að búa að so leingi. — Og sú, sem þér elkið, er ekki dauð, heldur að eins sofnuð — sofnuð í drottni til verrar og rósamrar hvíldar eptir hið lánga og uppbyggilega dagsverk sitt, er hún vann með óþreytandi alúð og árvekni; hinn jarðneski hluti hennar sefur, bíðandi dýrðarfullrar upprisú guðs barna; en hinn himneski hluti hennar vakir hjá drottni í dýrðinni og vegsemdinni, leýstur frá öllu erfiði og andstreymi, frá öllum þjáningum og mótlæti. — Lífið var henni mikil velgjörð guðs; hann blessaði hana ríkulega með gæðum þess, gaf henni einhvern hinn besta lífsvin, gæddi hana ákjósanlegu barnaláni og almennri ástsæld og virðingu; og samt var dauðinn ábati hennar; því hvað er öll jarðnesk hagsæld hjá himna-

ríkis sælu? — Hrygðar og þjáninga stundirnar eru liðnar, dauðastríðið er útstaðið, dauðinn er sigraður í krapti dauðans sigrara drottins Jesú Krists. Ó, hvílíkt fagnaðar efni fyrir rétt trúað guðs barn! Ó, hvílíkt fagnaðar efni fyrir yður, sem urðuð að vera sjónarvottar þess, er yðar ástkæra hlaut að líða á enum síðustu lífs stundum sínum, og sem liðuð með henni í viðkvæmustu hluttekningu, og hjartanlegustu tilfinningu þess, er hún varð að bera! Lofaður veri góður guð! Þær sáru hrygðar stundir eru liðnar, yðar ástkæra er geíngin gegnum þær hörmúngar inní guðs eýlífa dýrðar ríki.

So viljum vèr þá gefa þèr dýrðina, Drottinn almáttugi og algóði! Því það, sem þú gjörir, er vísdómsfullt og gott! Í auðmjúkri trú lúta þín syrgjandi börn þínu ráði, og vilja vera glöð í þèr, og fela sig á vald föðurgæðsku þinni framvegis; í trúnni sjá þau sína ástfólgnu í dýrðinni hiá þèr, og heýra hana í anda senda sèr kveðju friðarins og blessunarinnar frá heímkygnum friðarins og fullsælunnar; — Með þakklætis og fagnaðar tárúm vígja þau helgan dóm hennar til burtferðar úr þessum húsum! Vyrðstu að styðja þau og styrkja á hrygðar ferlinum! Send þinn frið í hjörtu þeirra! lát hann hvíla yfir þeim — yfir þessu heímili — yfir oss öllum saman! Veit oss náð til að vera þín elskuleg börn í lífi og dauða fyrir Jesúm Krist, amen.

II.

LÍKRÆÐA

haldin af síra Jóni Sigurðssyni á Breiða-
bólstað.

Eylífi miskunsemdanna faðir vor á himnum! misk-
unaðu þig yfir oss alla, yfir alla sorgmædda og
syrgjandi nær og fjær, yfir oss, sem tregandi missi
bezta vinar, bezta ektamaka, beztu móður, höfum
nú fylgt líkbörum hennar grátandi út úr sorgarhús-
inu inni þetta þitt helga hús, til þess að helga þér
og moldum, hennar vor heitu saknaðar og sorgar-
tár, er vèr einsog segjum skilið við hana, eða há-
tíðlega kveðjum hana að skilnaði. Heilagi faðir!
lít í miskun og náð niður til vor þinna veiku syrg-
jandi barna, helgaðu oss í þínum sannleika, helga
vorn söknuð, vor kærleiks og sorgar tár, sem vèr út-
hellum út af missi hennar, sem elskaði oss, og þú
gafst oss svo elskuverða til að elska. Þú huggar
en hrelldu hjörtun, en þín huggun helgar þau líka;
þú ert kærleiskurinn, eins góður og ástríkur faðir,
þegar þú sviptir, eins og þá, er þú gefur; fyrir því
höfum vèr fullkomna vissu í þínu opinberaða sann-
leíks orði. Lát þessa vissu mýkja, sefa og blíðka
vorn sára söknuð, vora þungbæru hjartasorg. Lát
þitt góða orð upplýsa vor sorgarmyrkur, þinn góða
heilaga anda hugga og helga vor hrelldu hjörtu,
og oss svo finna hvíld sálum vorum í þeim friði,

sem þíns sonar trú veítir öllum þeim, sem á þig trúa í hans nafni. Jesú friður, friður trúarinnar, sá guðs friður, sem öllum skilnáingi er æðri, sè og veri í með og yfir oss öllum, lífs og liðnum, í Jesú nafni, amen.

Hans er guð heill og gleði,
 hreínan sem kærleik ber;
 ást með auðsveipu geði,
 engla sveit guði tær.
 Guð er kærleikur, enginn kann
 í náð hans klútdeild hafa,
 nema hafi kærleikann. —

Við þetta fyrir mig og mína svo tilfinnanlega sára sorgar tækifæri má nè getur víst enginn ætlast til þess, að eg haldi fjölorða ræðu; þær vitið allir, hve nærri sjálfum mèt og mínum beztu ástvinum að höggvið er í fráfalli þeirrar miklu merkiskonu, sem líkkista þessi, er geýmir örendan líkama hennar, minnir oss á. Svo margvíslega kvíslast nú tilfinningar mínar í brjósti mínu, svo undarlega blandast þær í hjarta mínu, að mèt veítir örðugt að gjöra þeirra grein, að fá þeim skýr orð; sár söknuður, djúpur tregi og tilfinnanlega viðkvæm hluttekning í sorg, eptirsjá og hjarta skeranda söknuði ástvina minna gjörir mèt þúngt um að hugsa með reglu, þúngt um mál, þúngt um að flytja orðið tilhlýðilega. Æ eg sè og skil svo ofur vel, hve mikla orsök vèr börnin hennar, og þó samt eínkanlegast

vor aldraði faðir, höfum til trega og saknaðar eptir teíngdamóður mína sælu, henni var allt svo vel gefið, missir hennar er oss, og eínkum honum í mörgu tilliti óbætanlegur; en rás þessara sorgar tilfinninga minna verð eg að reýna til að stöðva; að skýra frekar frá þeim með orðum, sè eg ofur vel að hvorki getur verið til gagns, uppbyggíngar nè huggunar, og samt eru það tilfinningar mínar, sem eg vil reýna að fá orð fyrir; hjá mèr geta þær ekki verið hinar éinu og sömu við moldir allra, er eg verð að standa yfir; þekking mín til lífs og hegdunar hins framliðna manns á mikinn þátt í að skapa þær. En þær tilfinningar, sem sjón þessarar líkkistu vekur í brjósti mínu, er elska, virðíng og rètt undran fyrir því lífi, sem hèr er liðið; fæstir þekktu það éins og það var í raun og veru, það bar svo lítið á því, svo þýðíngarmikið sem það þó var; því það var svo kylrátt, stillt og hæglátt; hún leið fram allajafna éins og ljós; en ljós hennar skeín fagurt meðal þeirra, sem hún umgekkst, sem sáu dagfar hennar, meðal þeirra, sem éitthvað töluverðt höfðu saman við hana að sælda; þar um geta þeir bezt borið, sem náðu að komast í nokkuð náinn kunuíngskap við hana; þeir geta bezt borið um, hvort ekki var unun og uppbyggíug að viðræðum hennar og umgengni, að eg ekki tali um, yrðu þeir svo heppnir, að geta náð þokka hennar og ástsemi; þeim var jafnan sönn ánægja og uppbyggíng í að tala við hana, að umgángast hana, um það get eg,

og líka margir yðar borið fyrir eigin reynd; greind, gáfur og stök ráðdeild, sameinað glaðlyndu náttúrufari, og ástúðlegu viðmóti, gjörðu, að umgengni og öll viðkinníng við hana var bæði uppbyggileg og undir eins líka ununarfull, viðfeldin og skemtileg; dagfar hennar og dagleg háttsemi til orða og verka lýstu bezt, yfir hvorju hjarta hún bjó, þar sem hinn vísi segir að sèu uppsprettur lífsins, og þeir, sem að verið hafa hjá henni og með henni hefi eg heýrt alla ljúka einum munni upp um: að þeir eigi hafi þekkt vandaðri og siðprúðari konu, og eg fyrir mig verð að segja hið sama. En vildi eg reyna til að fá eítt orð fyrir það, sem eínkum og sèrílagi eínkenndi gjörvallt líf hennar eða alla hennar hegðan og breýtni til orða og verka og í viðskiptum við aðra, þá veit eg ekkert sannara orð að nefna en kærleískann, lífi hennar verður sannarlega ekki rëttar eða betur lýst með einu orði, enn að segja um það eins og var, að það hafi verið sífelld kærleíks yðja, sífelld þjónusta í kærleíkanum; í því, segir postulinn Jóhannes, er elskan til guðs fólgin, að vèr höldum hans boðorð, en hans boðorð eru ekki þúng, þeim nefnilega, er postulans meíníng, sem guð elska. Hún elskaði guð ag hans helga hús, þann helga staðinn, sem hann sjálfur hefir sèrílagi kjörið og útvalið til að binda við minníngu nafns síns á jörðinni; hún var guðhrædd og guðrækin, hún yðkaði guðs orð kostgæfílega bæði með því að heýra það og lesa; í andlegu var hún

líka sérlega vel að sér, fróð og kunni mikið, henni var ekki einasta messusaungsbókin svo gagnkunnug, að hún kunni marga, ef eígi flesta, sálma utan að í henni, heldur kunni hún einnig í vorum eldri og yngri sálmasöfnum, svo að dæmafátt mun vera nú á tímum; eptir því var og tekið af sumum, sem með henni voru, að það var vandi hennar, þegar eitthvað þúngt bár að, sem vant er að óspekja geð manna, að leíta sér þá huggunar í gagnlegum guðsorða bókum, enda hafði hún sérlegt lag á og var mörgum færari um að hugga og hughreysta aðra; hvernig hún gegndi verki köllunar sinnar gat sannfært um, að hún vann að verkum sínum og rækti skyldur sínar í ótta og elsku guðs. Þær, sem nokkuð gjörr þekktuð húsfrú Kristínu sælu, þekktuð líka ofur vel, hve vel og höndulega henni fórust öll verk sín, af því hún vann að þeim öllum með svo fúsu geði, af kærleika og ást til guðs og manna, og þess vegna blessuðust þau líka svo vel henni og öðrum, sem áttu að njóta þeirra, þess vegna báru þau nær og fjær svo góða og heílladrjúga ávexti; þar um eru eínkum til vitnis hennar vönduðn og mannvænlegu börn og margt fleira, sem ber hennar menjar. Hver, sem nokkuð umgekkst hana, eða hafði nokkuð töluverðt við hana að skipta, þurfti ekki leingi að kynnast henni til að komast að raun um, að brjóst hennar var fullt kærleika og ástar til guðs og manna; hún vildi öllum vel, og gjörði sér alljafnt far um að gjöra

sem bezt úr öllu, að færa alla hluti til betri vegar og láta hvervetna gott af sér leiða. Snemma tók þetta ástríki hennar, þetta hennar kærleíksfulla hjartalag, að láta sig í ljósi; snemma auglýstist það, að henni var bæði ljúft og lagið að auðsýna kærleíkann, að leggja mikið í sölurnar fyrir vini sína, að bera með þeim byrði lífsins, að afneita sjálfri sjer og eigin hagsmunum sínum þeirra vegna, að gjöra allt sitt til, að lífið gæti orðið þeim sem lættbærast og til sem mestrar gleði og ánægju. Fæstum yðar, kæru tilheyrendur! er það víst kunnugt, hve góð og ástrík systir hún reyndist eínka-bróður sínum framan af og leíngi fram eptir æfi beggja þeirra, en þeir eru þó nokkrir enn á lífi, sem til þess þekktu, og er þar eítt hið segursta og fágætasta dæmi systurlegrar ástsemi og trygðar, sem eg hefi heýrt um getið. En — eíns og nærri má geta — hafði þó enginn meír að segja af ástríki hennar, trygð og kvennkostum, enn hann, sem hennar eígið hjarta hafði kjörið og tekið að sér sem bezta vin, hinn elskulegi ektamaki hennar, sem nú, eíns og von er, með ósegjanlega sárum trega og söknuði syrgir hana látna; engin kona getur elskað mann sinn hreínna og heítar, enn hún gjörði, sjálfum honum er kunnugt, hve heítt hún unni honum, það má óhætt segja: hún elskaði hann meír enn sitt eígið líf — en yfirhöfuð er það svo kunnugt, hve afbragðsgóð kona hún var manni sínum, hve ástrík og góð móðir börnum sínum, að það er

Óþarfi að eyða hér mörgum orðum til að lýsa því; hennar góðu gáfur, greind og eptirtekt á hlutunum gjörðu það, að jafnan var mikil stoð og athvarf, þar sem hún var, í hverjum vanda sem bar að hendi; hennar stillta og jafna lundarlag, hennar blíða, viðfelldna og alltaf góðgláða náttúrufar hafði jafnan hin beztu áhrif og verkanir á mann hennar til að hughreýsta hann og gleðja, til að gjöra honum lífið lættbært, skemtilegt og yndælt. Æ! honum, eins og mér og mörgum fleiri, er nú þessi skemtun horfin — og sömu lífgandi og hressandi áhrif hafði siðprýði hennar og ástsamleg umgeingni á allt líf og framferði á heimilinu. Húss og bústjórn hennar var jafnan farsæl og affaragóð, því hún var búkona mikil, reglubundin, stjórnsöm og kunni vel að fara með efni sín; gáfur drottins urðu líka auðsjáanlega í hennar höndum að sannri guðs blessan; því allir hlutir verða þeim að góðu, sem guð elska. Til þess var tekið af mörgum, hve barngóð hún var. Eg gat eigi annað, enn dáðst að og haft unan af að sjá, hve náttúrlega hún svo gömul læk fyrir börnunum, og hve hjartaglöð og ánægð þau voru kringum hana; fósturbörn hennar geta sjálf borið um, hvornin hún var og reyndist þeim, hvort hún eigi reyndist þeim sem góð móðir; eins var hún hjúum sínum, hún lét sér annt um velferð þeirra til lífs og sálar, sem auglýsti sig í hennar hollu ráðleggíngum, hennar hógværðu og velviljafullu áminningum; hún hliðraði sér aldrei hjá að vanda um og

áminna og þannig líka stuðla að siðsemd, reglu og góðu háttalagi á heimili sínu, en þetta gjörði hún ávallt með sinni vanalegu hógværd og stillingu og með því lagi og góðsemd, að það var sem ekkert væri um að vera, já! með sanni má það segja, að líf hennar var næsta þýðingarmikið, svo stillt og hæglátt sem það var. Margir þurfsandi og aumstaddir hafa og misst mikils í henni, hennar kærleíksfulla hjarta var viðkvæmt og vorkunlátt og fúst til meðaumkvunar, ásjár og liðsinnis í orði og verki; hún var hugul og góðgjörðasöm við fátæka, en það sem í þessu, sem svo mörgu öðru, gaf gjörðum hennar mest mæti, var, með hvað góðu og hýru skapi hún gjörði gott; gáfunni, sem hún rætti, mun sem optast hafa fylgt eíthvert uppörfandi og gleðjandi orð — að slíkum fórnum gedjast guði vel, hýran gjafara elskar guð, segir Sírak; með fám orðum veit eg eígi betur eða sannar að lýsa lífi hennar, enn að segja það hafi verið sífelld kærleíkspjónusta: kærleíkurinn gjörði hana styrkva, óþreítandi í að gjöra gott og vilja láta gott af sér leiða, fúsa til að gegna verki köllunar sinnar með guðrækni og samvizkusemi, styrkva í að bera vel og kristilega hita og þunga dagsins, mæðu hans og erfíði, styrkva í hennar síðasta stríði við dauðann; en dauðastríð hennar var þúngt, sjúkdómurinn stríður, baráttan hörð, en mál og ræna, næm tilfinning og eptirtekt hældst við fram í andlátíð. Eg var svo heppinn að vera viðstaddur hennar banabeð

síðasta dægrið, sem hún lifði; það var merkilegur tími, sem mér aldrei mun úr minni líða; þar sá eg krapt Jesú trúar í veikni og dauðlegu manns hjarta, sem trúir, auglýsa sig dásamlegan í stilltri og auðmjúkri undirgefni, í fúsleik til að berjast góðri baráttu og reynast trúr í þolinmæði; þá sá eg sigur trúarinnar, vonarinnar og kærleikans yfir heiminum, holdinu og öllu veraldlegu, yfir dauðanum og hans sáru og kveljandi átektum; þar sá eg, hve satt það er, sem postulinn Jóhannes segir: hver sem er stöðugur í kærleikanum, hann er stöðugur í guði og guð í honum, en þetta kærleiks líf í guði vitnar sami postuli, að spretti af þeirri viðurkenningu: að Jesús sè guðs sonur, guðs sonar trú varð henni kraptur guðs til sáluhjálpar, af því hún, fyrir guðs anda náð og aðstoð, auðsýndi ávöxt trúarinnar: kærleikann, af því að trú hennar bar ávöxt í kærleika, vönduðu framferði og góðum verkum. Fyrir líf hennar og dauða sèu þakkir góðum guði, sem henni hefir sigurinn gefið fyrir drottinn vorn Jesúm Krist. Það líf, sem hær er liðið, verðskuldar sannarlega elsku og virðing, athygli og eptirtekt, þess endurminning verðskuldar að lifa í heiðri og blessun á meðal vor, mér og mínum verður hún jafnan ógleímanleg, dýrmæt og blessuð og mörgum fleiri, sem hana þekktu. Af lífi hennar hefi eg nú, kærur tilheýrendur! gjört tilraun með að gefa stutta, en þótt ófullkomna afmálun, en svo ófullkomin, sem eg má játa að hún er, er hún samt

svo rétt og sönn sem eg hefi vit á að gefa hana, þar um getið þér, sem nokkuð gjörr þekktuð til hennar, með mér vitni borið, en þér sem minna, lítið eða ekkert þekktuð til hennar, en vitið, hvað mér er skyldt málið, yður segi eg: að eg veit, að það ávallt og allstaðar er skylda, að tala sannleikann, að bera vitni sannleikanum, en eigi hvað sízt á svo háleítum stað, og í svo helgum sporum, sem eg stend í nú, og frá þessum helga stað vitna eg: að eg veit ekki, hverja megí eða sè ólhætt að telja meðal enna endurfæddu, sem fullkomna helgun sína í guðsóttu, ef eigi hana, sem hér er að mæla eptir, og einmitt þetta var það, sem gjörði líf hennar svo fagurt og merkilegt, að það, endurfædt af trú eingetins sonar guðs, var prýðt guðrækninnar og kærleikans óvisnanlega prýðiskarti, sem hvorki fölnar nè ferst í dauðanum, heldur verður þá fyrst til fullnustu dýrðlegt og að óþverrandi uppsprettu sannrar sælu, sem ekkert ógeðfellt má framar mefnga eða raska. Frómt líf og farsæll dauði fylgjast með réttu að, þetta er vízt og óbrigðult, kristnir vinir! og þótt eg viti, að enginn maður, hvað vandaður og góður sem hann er, verði hólpinn af eigin verkum sínum, heldur einúngis af náð fyrir þá endurlausn, sem sked er í drottni vorum Jesú Kristi, þá er hitt líka vízt, að hver sá maður, sem í trúnni á Jesúm Krist tilefinkar sèr guðs náð þannig: að hún hefir endurfæðandi kragt og verkanir á hjarta hans, í honum myndast nýtt

líf, sem ber góða, guði þóknanlega ávexti, sem auglýsir sinn krapt í guðrækilegri hegðun og góðum verkum og prýðir manninn með öllu því, sem sagurt er, heiðurlegt, ástsamlegt og lofsvert; lofsverð breytni og góðverkin eru þá til vitnisburðar um, að maðurinn sè fyrir trúna endursæðt og til náðar tekið, útvalið og elskulegt guðsbarn, og það eru þessir vitnisburðir, sem hátíðlega skulu verða auglýstir á þeim mikla endurgjalds degi, þá er allt, og þá líka einnig það, sem í leyndum skeð hefir, skal verða opinbert og opinberlega endurgoldið, svo sem Jóhannes vitnar, er hann segir: Eg sá þá dauðu, smáa og stóra, standandi frammi fyrir háseti guðs, og bókunum var lokið upp, þá var annari bók lokið upp, það var lífsins bók, og voru þeir dauðu dæmdir eptir þeirra verkum, sem skrifuð voru í bókunum; og sami postuli heyrði rödd af himni, sem sagði: skrifa þú, sælir eru þeir framliðnu, sem í drottni eru dánir, já, andinn segir: þeir geta hvílt sig eptir sitt erfíði, því þeirra verk fylgja þeim eptir. —

Þannig er það og með þessa vora framliðnu, hún er nú sæl, því hún er dain í drottni, og hennar verk fylgja henni, verk, sem hún vann að í kærleika guðs, og voru því blessunarrík og guði velþóknanleg; á þau hefir nú líka góður guð litið í náð og sagt við hana: vel hefir þú gjört, þú góða og trúlynda þjónustukvinna, þú varst trú yfir litlu, eg mun setja þig yfir mikið, gakk inn í fögnuð þíns herra. Við

þetta skulum vèr hennar syrgjandi ástvinir hugga oss og gleðja, þetta skulum vèr nú láta lina, mýkja og blíðka þann sára söknuð og trega, sem missir hennar og burtför hëðan til föðurins á himnum hefir vakið í brjóstum vorum, eínkum yðar, hjartkæri teíngdafaðir! eg hefi hlíft mèr við að minnast mikið á yðar sára söknuð og trega, að útmála þá þúngbæru hjartasorg, sem eg veit að þèr nú hafið að bera; hvorki treýsti eg mèr til þess, enda veit eg, að það batar lítið báða okkur; eg þekkti svo ofurvel, hve heitt þèr unnuð henni, og hve góð og ástrík sambúð ykkar var; eg man yðar ástríku önn fyrir henni í hennar síðasta sjúkdómi, hve áhyggjufullt hjarta yðar var, hvernin þèr spöruðuð engan kostnað til að leífa henni lækninga, og að gjöra allt, sem yður gat dottið í hug, til þess henni gæti batnað; ávallt hafið þèr sýnt, að þèr vissuð að meta gjöf svo góðrar konu, sæl minning hennar verður nú yðar bezta og dýrmætasta eígn til dauðans, sem aptur innan lítils tíma á landi lifandi manna sameífnar til fulls þau elskandi hjörtun, er þann hèr á landi dauðlegleíkans um stund sleit í sundur og aðskildi, góður guð veitir yður náð og styrk til að bíða þessarar stundar með kristilegri biðlund, þólgæði, rósemi og stillíngu, og þá mun hann, sem er trúr og efnir öll sín heit, launa yður yðar reyndu trú betur, fullkomnar og dýrðlegar, enn nokkurs manns túnga fær orðum að komið; vèr sem að þekkjum yðar viðkvæma og tilfinninganæma hjarta,

getum því með viðkvæmri hluttekningu nærri, hvað þér hafið að bera, en þér vitið, að þeir eru hér til staðar, sem feignir vilja bera með yður byrðina, gjöra yður hana sem lættbærasta, já! bera hana fyrir yður, ef unnt væri, það eru tvö eptirlifandi börn ykkar konu yðar sælu, sem nú trega í henni missi bestu móður, og jafnframt af hjarta taka hreinskilna hlutdeild í raunum yðar, þér vitið hve góð og eptirlát börn þau jafnan reyndust ykkur sínum góðu foreldrum, þér vitið hve mjög þau elska yður, hve vel þau vilja yður, hve hjartanlega þau lángr til að gjöra yður lífið lættbært, og stuðla að því, að þér getið verið rólegur, glaður og ánægður, reynslan er þegar búin að kenna yður, hverja stoð þér eigið í einkasyni yðar, að öllu þessu getur yður verið mikil fróun í raunum yðar, jafnframt þeirri íhugun, að missirinn er því að eins mikill, að gjöfin var svo góð og mikil, mikið var og í það varið, hvað leingi gafst að njóta hennar, því ber yður og oss með lotningu að gefa guði dýrðina, að hefðra vilja gjafarans allra góðra hluta, sem allt gjörir vel, og með auðmjúku og þakklátu hjarta taka undir með hinum þolinmóða og guðhrædda Job; drottinn gaf, drottinn tók, nafnið drottins veri vegsamað, já, hugga og gleðja oss við sæla og dýrðlega von trúar vorrar um gleðilega samfundi og ævarandi sambúð við ástvini vora síðar meir í eýlífri gleði, sem engin sorg, skilnaður nè dauði fær snert og engan enda hefir, og í helgri elsku trúarinnar lofa guð föður

drottins vors Jesú Krists, sem með því að uppvekja hann frá dauðum hefir eptir mikilli miskun sinni endurfæðt oss til lifandi vonar, til hluttekningar í þeirri arfleifð, sem geýmd er á hinnum óforgeingileg og fullkomin oss, sem fyrir guðs öfluga aðstoð varðveitumst með trúnni, svo að vèr æðnjótandi verðum oss fyrirbúinnar sælu, er á síðasta tíma mun verða opinber; og með því vèr, dýrkeýptu syrgjandi ástvinir! höfum slíka von, æ! þá skulum vèr ekki syrgja eíns og þeir, sem enga von hafa, heldur nú og jafnan láta það ásaunnast, að vèr eígi til eínkis höfum trúað á nafn eingetins sonar guðs, því í hans trú eígum vèr að sigra heíminn þ. e. synd heímsins og hans sorg. Æ! berum oss því að taka þessari sorg, eínsog hverri annari, sem speki og gæðsku guðs kann að þóknast að láta oss mæta, sem trúuð guðs börn, er hans heílagi andi huggar og helgar, svo vor reýnda trú megi verða oss til lofs, vegsemdar og dýrðar, þegar Jesus Kristur opinberast, í hvers trú vèr gleðjumst ósegjanlegum dýrðlegum fögnudi, af því vèr vitum verðlaun trúarinnar, vitum að vèr munum öðlast endurgjald fyrir vora trú: velferð vorra sálna. —

En þú höfundur og fullkomnari trúarinnar, lát þinn mátt fullkomnast í vorum vanmætti, fullkomna með oss hið góða verkið, sem þú sjálfur hefir uppbyrjað, auktu oss trúna, að vèr fyrir krapt trúarinnar fáum staðist reýnsluna, verið stöðugir í kærleikanum og sigrinum haldið; gef oss náð til að

gánga hëðan frá þessum oss svo kærni moldum, sem vër nú kveðjum með helgum ástarkossi heitra tára, með huggun þíns góða orðs í vorum hjörtum, það veri nú og jafnan ljós á vorum vegum og lampi sóta vorra, það uppörfi oss og styrki til að berjast góðri baráttu trúarinnar stöðugum til endans í kærlefskanum; þegar vër þannig lifum drottni, þá fáum vër að deyja í drottni og verðum sælir í voru andláti, hër til virðist guð vor faðir á himnum, að veita oss náð og aðstoð síns góða heilaga anda í Jesú nafni, amen. —

III.

LÍKRÆÐA

haldin af prófasti síra Jóni Jónssyni á Steiðnesi.

Ó! vor guð og ástríki faðir! þú ert allt í öllum, og aldrei megum vër án vera náðar þinnar og fulltíngis þíns! Vyrstu því góði guð! að vera máttugur í veikleika vorum, og styrkja oss til að hegða oss eins og auðsveip börn þín í hverju sem að höndum ber! Styrk oss á þessari stundu til að gjöra vorn vilja undirgefinn þínum föðurlegum náð-

arvilja, so að vèr getum, glaðir í þèr, geíngið braut sorgarinnar! Varðveit oss í þinni náð og velþóknun alla vora lífdaga! Varðveit oss í þínum ótta, so að vèr getum, í sorg og gleði, verið vissir um, að þú heyrir í náð hjartans andvörp vor, og sèrt ætíð reiðubúinn til að hjálpa oss og miskuna! Þitt auga vaki yfir oss, þín hönd leiði oss til sannrar farsældar hèr stundlega, og annars heíms eýlíflega fyrir Jesúm Krist, amen,

Dýrmætur er fyrir drottni dauði hans heílogu. Þessi orðin Sálmaskáldsins (Sálm. 116, 15.) finnst mèr eíga vel við, að vèr veljum fyrir undirstöðu hugleiðinga vorra við þetta, að vísu alvarlega og sorglega en undireíns hátíðlega tækifæri, þar sem vèr eígun að heiðra útför þessarar framlíðnu systur vorrar, húsfrúr Kristínar sælu Jónsdóttur.

Að vísu er eínginn af oss dauðlegum mönnum heílagur; allir erum vèr hluttakandi í enni almennu eðlisspillíngu, allir óhreínir í augliti hans, fyrir hverjum himnanna himnar eru ekki hreínir; allir höfum vèr syndgað, og höfum skort á þeirri hrósun, sem fyrir guði gildir. Þetta á ætíð að minna oss á, að auðmýkja oss fyrir guði, og kannast við, hve mjög vèr erum komnir upp á náð hans í Jesú Kristi; það á að minna oss á kristilega árvekni — minna oss á, að kappkosta, með aðstoð guðs orðs og anda, að varðveita oss fyrir áhrifum enna mörgu

illu dæma í heíminum; og allt aðeínu á það að minna oss á, að taka vel eptir enum fögru og eptirbreytnisverðu dygða dæmum, og kappkosta að laga oss eptir þeim; því, lof sè góðum guði! margur er góður í þeim skilningi, sem mannlegum veikleika er unnt að vera það; þó einginn sè algjör, þá eru þeir þó til, sem keppast eptir að vera fullkomnir, eins og faðir þeirra er fullkominn, sem leita fyrst og fremst guðs ríkis og þess réttlætis, sem honum er þókknanlegt — sem kappkosta að feta í fótspor frelsara síns, og hegða sèr eins og sannir lærisveinar hans; — þeir eru til, sem láta það vera aðal-lífsreglu sína, að kappkosta að breyta eptir enu æðsta boðorði: að elska guð af öllu hjarta, öllum mætti, öllu hugskoti, og náúngann eins og sjálfan sig — sem kappkosta að vegsama guð með öndu sinni og líkama, og efla og útbreiða dýrð hans eptir þeirri náð, sem þeim er gefin, með trúlyndri þjónustu í þeirri stètt, er hann hefir sett þá í, — með samvitskusamri brúkungáfna þeirra og krapta, atgjörvis og yfirburða, er hann hefir gæðt þá með; — þeir eru til, sem gá ekki einasta að sínu gagni, heldur og líka annarra, sem láta það vera eptirlæti sitt, að verja pundi sínu til að efla sannar heflir bræðra sinna og systra, og breiða út fögnuð og blessun umhverfis sig; — þeir eru til, sem rækja vel og friðsamlega hina jarðnesku köllun sína, enn hafa samt sífellt gætur á sjálfum sèr, að hjörtu þeirra verði ekki of elsk að

heíminum og þeim hlutum, sem í honum eru, sem yðulega hafa umgeingni sína á himnum, sem ganga fyrir enum alskygna í hreínskílinni guðrækni, taka kjörum sínum með guðs barna hugarfari, meðlætinu með auðmjúku þakklæti, mótlætinu með rósamri stillingu og kristilegri þolinmæði, og bera kross sinn með auðsveipri undirgefni undir vilja síns himneska föður — ganga leið sína í trúnni og kærleikanum, hvort sem hún er greið eða ógreið, gleðileg eða sorgleg, og kappkosta að vera ætíð viðbúnir að flytja hëðan inn í fögnuð herra síns. — Þessa köllum vèr með rëttu guðs heíлага, því þeim fer dag frá degi fram í helguninni, þeir nálgast æ meir og meir takmark heílagleíkans; þeir afneita sjálfum sèr, og krossfesta hold sitt með gyrndum þess og tillineígíngum, til að geta þókknast guði: gjört vilja hans, eflt dýrð hans; á þvílíkum börnum sínum hlýtur hinn heílagi að hafa velþókknun; þau hljóta að vera dýrmæt í augliti hans, líf þeirra er dýrmætt fyrir honum, því það er lagað eptir hans heíлага vilja og boðum, það er meðal í hendi hans til að efla og blómga ríki hans, til að afstýra illu, .enn aðstoða hið góða. — Og dauði þeirra er dýrmætur fyrir drottni, því þau hafa barist góðri baráttu, fullkomnað skeiðið og varðveítt trúna; þau hafa sæð góðu sæði, sem ber ávexti leíngi eptir þeirra dag; þau eru orðin þroskuð og menntuð til guðs dýrðar ríkis, þegar hann tekur þau hëðan; þá er sorg á jörðunni,

enn fögnuður á himnum; þeir sem á jörðunni búa og eptir þreyja, trega missi sinn, enn hinir sælu himinbúar taka fagnandi á móti þeim, sem fyrir blóð lambsins blíða, búinn er að stríða og sælan sigur vann, þetta er ekkert stríð milli himins og jarðar, heldur flýtur það eðlilega af því, að þessi jörð er undirbúningsstaður vor undir himninum; hér er ófullkomleiki, þar er algjörlegleiki; vèr tregum enar elskuverðu sálirnar, er frá oss flytja, af því vèr getum ekki lifað í eins nákvæmu samfélagi við þær eptir eins og áður; oss finnst vèr sèum yfirgefnir og einmana, af því vèr getum ekki orðið þeim samferða, og ekki heldur sèð þær hjá oss, nè notið aðstoðar og eptirlætis af návist þeirra.

Dýrmætur er fyrir Drottni dauði hans heilögu; dýrmætur er fyrir honum flutningur þessarar sælu systur vorrar heðan inn í himnaríki; líf hennar var dýrmætt fyrir honum, því það leið fram í ótta hans, og var prýðt kristilegum dygðum; guð hafði gefið henni mikið ágætar sálargáfur og bestu hæfilegleika til að standa sèr til sóma, og öðrum til uppbyggíngar í þeirri stètt, er hann hafði fyrirhugað henni; og hún vandi sig snemma á, og tanði sèr alla æfi, að fara vel með pund sitt, og verja því samkvæmt vilja gjafarans; hann, sem hún elskaði heítast á jörðunni, veit sjálfur best, hvílsk hún reyndist honum á allri enni laungu samferð þeirra, hve ástúðleg, trúföst, umhyggjusöm, ráðholl, lempin, aðgætin og árvökur um allt það

er í hennar valdi stóð til að gjöra honum lífið gleðiríkt, og efla sameiginlega heill og hefur þeirra. — Þau börnin, er guð gaf henni að ala upp, finna sjálf best til þess, hvílk móðir hún var þeim, hversu hún bar þau fyrir brjósti sér í brennheftri ást og óþreytandi umhyggju fyrir velferð þeirra, — hve fögur fyrirmynd hún var þeim í guðs ótta og góðum siðum, — hversu hún gjörði sitt til að búa þau undir heiðarlega og uppbyggilega lífs stöðu, og hversu hún leiðbeindi þeim á guðs veg með guðrækilegum áminningum og heflræðum. — Þeir sem áttu að þjóna henni, vita best, hvílk húsmóðir hún var þeim, hve nákvæm og nærgætin, umburðarlynd og brjóstgóð. Og allir vita, sem til þekktu, hve ágæta forstöðu hún veitti hefmili sínu í öllu því, er til hennar náði, hversu hún var samhuga, samráða og samtaka elskhuga sínum í öllu, sem laut að góðri og reglubundinni hússtjórn. Eg er ekki fær um að taka verðulega fram allt það, sem prýddi og ágætti líf hennar, enda gjörist þess ekki þörf í áheyrn so kunnugra, sem hér eru viðstaddir; það er nóg, að þeir geýma í hjörtum sínum lifandi eptirmind hennar, og þakkláta endurminningu hennar heðurs og elskuverða lífs; það er nóg, að hann þekkti gjörla ágæti hennar, sem lítur með föðurlegri velþókknun til þeirra barnanna sinna, sem kappkosta að gjöra hans vilja, og umbunar þeim hlýðni þeirra og trúmennsku með yfirgnæfanlegri vegsemd, og óumræðilegri fullsælu um aldir alda;

hún var hans barn, dýrmæt fyrir honum lífs og liðin; hún var ekki af heíminum, þó hún inni með trú og dygð verk sitt í heíminum, þó guð blessaði hana með nægtum, þá varði hún þeim ekki til hégómlegs þrjáls og yfirlætis, heldur lét sèr nægja hið einfalda og sómasamlega; eins og hún gekk fram í guði þökknanlegum grandvarlegleíka, eins gekk hún fram í virðingu vekjandi útvortis verðugleíka, einkend frábærri stillingu og ráðsettni, og ávann það, er hún vildi fá framgeíngt, með hógværd og lempni, og rósamri biðlund. Staðfesta hjartans lýsti sèr í orðum hennar og öllu viðmóti; innri maður hennar byrtist í greindarfullri einurð og ákafalausri hreínskilni, því hún hafði tamið sèr að stjórna vel geði sínu, án þess þó að hnegjast á nokkurn hátt til hræsni, heldur hafði miklu fremur andstygð á henni; hún var áreiðanleg og trúföst, og gleýmdi aldrei því, er henni hafði verið gjört til vilja, en leítaði sjálf að afbötunum, ef henni var gjört á móti, og sigraði þannig illt með góðu. Í einu orði: hún gekk fyrir guði og kappkostaði að vera algjör; hún treýsti guði, og lét hans vilja vera sinn vilja, og lagði sig með auðsveípri þolinmæði undir hvað helst, er hann vildi vera láta; hún lifði drottni, og dó drottni; því var bæði líf hennar og dauði dýrmætt fyrir honum.

Þvílíkri heiðurskvinnu eigum vèr hèr að sjá á bak; og það er auðvitað, að þeir, sem líf hennar

var sérílagi helgað, geta ekki fylgt henni til ens síðasta hvíldar staðar án viðkvæmra hjartans tilfinninga, án sárrar hrygðar yfir missi sínum. — En hvað á samt betur við, háttvirðtu meðkristnu systkyni! enn að vèr lútum í auðmýkt vilja guðs og gefum honum dýrðina? Hvað á betur við, enn að vèr berum oss að hefja hjörtu vor upp yfir sorgina til uppsprettu allrar hugsvölunar og endurnæríngar? Hvað á betur við, enn að vèr setjum oss fyrir sjónir, hve mikla orsök vèr höfum til að vera glaðir miðt í hrygðinni? Líf vorrar framlíðnu var langt, uppbyggilegt og ávaxtaríkt, og þess vegna dýrmætt fyrir guði og mönnum; er ekki mikil hugsvölun í þessu? er það ekki mikilsvert fyrir eptirþreyandi ástmenni, að eíga þvílíka endurnínníngu, þvílíkann heiðursvarða eptir sína burtsofnuðu? — Hlin sæla systir vor hafði náð háum aldri; hún var orðin þreytt, og með fram ellilasburðunum voru aðrar líkamans þjáningar farnar að boða henni burtför hëðan; lífsdeginum var tekið að halla so, að eptir eðlilegum hætti gat ekki verið langt að bíða kvöldsins og næturinnar, er það þá ekki samboðið ást og rækt og þakklátsemi ektamaka hennar og barna, að gleðjast yfir lausn hennar hëðan, og hlutskipti hennar á hinnum? Að vísu fór so vel um hana sem auðið var, hjá ástmennum hennar, sem af ástríkum hjörtum létu henni í tē allt það, er af þeirra hálfu gat hjálpað til að gjöra henni ellidagana geðfelda og gleðiríka; enn samt er eínginn efi

á því, að umskiptin hafa verið henni ósegjanlega fagnaðarrík; það er einginn efi á því, að hana hefir verið farið að lánga eptir, að fá að leýsast heðan, og vera hjá kristi, hún vissi, að dagsverk hennar var fullkomnað; hún fann að krapturnir voru teknir að þverra, og þjáníngarnar að ágjörast, hún vissi að hún átti góða heimvon; hún sá, í trúnni á Jesúmi Krist, að henni var geýmd kóróna rættlætisins, kóróna eýlífrar vegsemdar; Þó hún væri því fús til að dvelja í holdinu so leíngi sem guði þókknaðist, astvinum sínum til eptirlætis og uppbyggíngar, þá var hún samt eíngu síður reiðubúin til að gegna köllun föður síns, og fara til hans; til hans er hún komin, til frelsarans er hún farin, og orðin hlutakandi í dýrð hans, og í sælufullum fögnuði útvaldra á hinnum. Sæll er því sá, sem náð hefir þessu takmarki! Þegar vèr hugsum um sælu kjör þessarar systur vorrar í Drottins dýrðar ríki þá finnum vèr, að dauði hennar á eínnig að vera dýrmætur fyrir oss — að vèr höfum orsök til að samfagna henni — að oss hæfir að vegsama náð guðs, sem hefir gefið henni dýrðlegan sigur fyrir Drottinn Jesum Krist. Þetta veit eg að er vakandi í yðar trúuðu hjörtum, þèr tregandi ástmenni hinnar burtsofnuðu! og að umhugsunin um það vekur í brjóstum yðar innileg lofgjörðar andvörp, jafnframt yðar viðkvæmu sorgar og saknaðar andvörpum. Ó, þèr hlúttvirtí sorgbitni bróðir, hver sem þekkir yðar viðkvæma hjarta, á hægt með að samhryggjast yður

sem nú standið uppi tregandi yðar ástúðlegu ekta-
 kvinnu, sem í so mörg ár hafði geingið yður við
 hlið, yður til eptirlætis og aðstoðar samfagnað yður,
 samhryggst yður, samsveits yður; en eg veit,
 að ekkert veítir yður aðra eins fróun og hugar hægð
 eins og að hugsa um það, að yðar ástfóligna er
 frelsuð frá allri mæðu, öllum þjáningum, enn orðin
 njótandi þeirrar sælu, sem auga hefir ekki
 séð, eyra ekki heýrt og eingum í hug eður
 hjarta komið; ekkert mun eins styrkja yður til
 að bera byrði lífsins þá dagana, sem enum alvalda
 og algóða kann að þókknast að láta yður eiga eptir
 að lifa hær á jörðu, eins og en dýrmæta kristilega
 von, að þér fáið að sjá aptur yðar ástfólgnu innan
 lítils tíma, og sameínast henni í dýrdinni til óslítanlegra
 sælu samvista. Ó, þér tregandi börn og
 teíngdabörn ennar sælu! hver sem mist hefir ástríkan
 föður eða móður, á hægt með að setja sig í yðar spor,
 og vita hvað þér eigið að bera á þessari skilnaðar
 stundu; en þér munuð finna hvíld sálum yðar í trúnni
 á guð og Jesúm Krist. — í þeirri trú, að allir vegir
 yðar himneska föður eru miskun og trúfesti, — að hann
 grætir börn sín af enum sama guðdómlega kærleika,
 sem hann gleður þau með — í þeirri trú, að lausnariheimsins
 hefir leiðt í ljós lífið og sælufullan ódauðlegleika — fyrir
 öll guðs börn, og gefið ástvinunum, sem hær verða að
 skilja um stundar sakir, fulla vissu um, að þeir fái að
 finnast aptur

á hinnum, og samfagna þar hver öðrum um aldir alda. Nú hafið þér að sönnu hrygð, en innan lítils tíma snýst hún í fögnuð, þá er þér fáið aptur að sjá yðar ástfölgnu móður og vera hjá henni eýlíflega; gangið því glöð í trúnni, þángað til guð gefur yður að ganga í sæluríkri skoðun!

So veri þá allar hugsanir vorar og hjartans tilfinningar helgaðar þér, himneski hjartans faðir! Af þakklátum hjörtum vegsömum vèr þig fyrir líf þessa barns þíns! af auðmjúkum hjörtum vegsömum vèr þig einnig fyrir það, að þú tókst það til þín, því vèr trúum því staðfastlega, að þú hafir gjört það á hagkvæmasta tíma, samkvæmt speki þinni og föðurgæðsku. — Æ, vor guð! hugga þú öll harmþrúngin hjörtu með náðarkrapti orðs þíns og anda! Styrk oss öll sömun, börnin þín, til að lifa þér til vegsemdar, so að vor dauði verði dýr-mætur fyrir þér; hjálpa oss til að berjast góðri baráttu, fullkomna skeiðið og varðveita trúna og góða samvitsku! Veit oss náð til að lifa kristilega, líða þolinmóðlega, deýa sáluhjálplega, upprisa vegsamlega á upprisudegi alls holds!

Gaungum þá hëðan í guðs nafni og trausti, og framkvæmum það, sem framkvæmast hlýtur! Leið þú oss, faðir! þessi sporin, og öll spor æfi vorrar! Við þína trúföstu náðarhönd er oss óhætt! amen, í Jesú nafni amen.

IV.



Hér hneíg í faðm
fósturjarðar
höfðingskonan

KRISTÍN JÓNSDÓTTIR,

sem fæddist 16. dag júní m. 1787,
giptist stúdiósus J. Fr. Thórarensen

24. d. júní m. 1823,

lètst 28. d. október m. 1857.

Hún varð móðir 4 barna
2 dóu úng, en 2 lifa.

Hún var prýði kvenna,
prúð í hegðun,
með afbragðs gáfum,
góðfús, veglynd,
í trygð og staðfestu
traustari bjargi,
ástvinum ástrík
af öllu hjarta.

Hennar lífs eínunn
var ást og friður

en megin iðja
allt að bæta.
Hún elskaði guð
og unni dygðum.
Fár mun hennar
fylgja sporum.

Svo lyktar sú æfi,
er var ljós í heimi
sem þá röðull
rennur til viðar
og hinnstum lífgeislum
hauður kveður
eptir dag blíðan
og blessunarríkan.

Því kærleiksríkt líf
Kristi helgað
er aldrei fegra' enn
á andlátsstundu.
Með ástargeislum
í augum heldöprum
kveðja ljóssins börn
líf og ástviní.

Hvílir nú guðs barnið góða
í guðs ástar faðmi,
sálin í ljósinu lifir,
þó líkaminn sofi;


frelsuð hjá frelsara sínum
hún fagnar af sigri.
Þar finnast ástvinir aptur
því orð drottins rætast.

*Sælir eru hreínhjartaðir,
því þeir munu guð sjá.*

Matt. 5, 8.

Prófarkavillur.

5²¹ stóð fyrir stoð 7¹⁶ elkið fyrir elskið, 7¹⁹ moð fyrir
með 10¹¹ klutdeild fyrir hlutdeild 12²³ ag fyrir og 18⁸ bær
fyrir bær 18²¹ vízt fyrir víst 32³ aðstoðar fyrir aðstoðar,



Lbs - Íslandssafn



100438470 - 7

